

Grabamento di cassette ta perhudica bendemento di disco



Aki por mira d.r.p.d. Franklin Oduer (Playa Liquor), Robert Jeandor y Vicente Kelly (La Nueva Fuerza), Raymond Slagt (Victoria Bottling), y Ricky Beaujon (Entertainment Express).

ORANJESTAD (AAN): Manera costumbr, Entertainment Express a firma contrato atrobe cu diferente banda, artista, y tambe empresa. Den un comentario cu DIARIO ta publica aki, gerente di e compania aki esta Harold de Miranda, a muestra riba e benta malo di disonan na Aruba, y ta culpa esaki parcialmente riba e grabamento di cassette cu a tuma un rumbo espantoso na Aruba.

Mientras tanto, e famoso Vale Croes y La Nueva Fuerza ta cuminsa cu nan tercer aña cu e compania, mientras cu Miller Band y Memory Lane a drenta pa e prome aa.

Loke ta advertising, Victoria Bottling Company y Playa Liquor/Bottling a keda cu Entertainment Express. Si repasa aña 1990, mester muestra cu hopi a ser haci pa gruponan local.

Diferente disco a ser produci of promovi door di Entertainment Express. Claudius Philips su Longplay sin duda tabata esun cu a haci e impacto mas grandi y tanto su show na Curaçao y Aruba den Golden Tulip tabata exitoso. Ya caba a worde regla cu Claudius lo actua na Juli y Augustus di e aña aki den Golden Tulip.

E disco di Papito y su Doble Sabor tambe a worde bon bendi


y promovi door di Entertainment Express na Curaçao y Aruba. E agrupacion Pride te aworaki ainda ta bon scucha na Curaçao y despues di un fin di siman di awacero na December, ya caba Pride ta cla pa sali na fin di April pa cumpli cu pueblo Curasoleño.

Vale Croes tambe a cosecha hopi exito cu su show di aña pasa, tanto na Aruba como Curaçao y awor ta preparando su celebracion di segundo lustro cu su shownan. E aña aki tambe Vale lo graba su prome video di dos ora y lo bin cu un show cu tur loke su fanaticonan ta spera.

Aña pasa tambe Entertainment Express a percura cu awe Robert Jeandor ta back na Aruba y tocando exitosamente cu La Nueva Fuerza. E banda aki, mescos cu otro bandanan local, ta worde promovi den exterior sperando cu un dia un grupo local di nos por drenta den mercado internacional.

Actualmente tin interes pa Pride na Europa, mientras cu La Nueva Fuerza ta cla pa sali pa Venezuela y Europa. Naturalmente lo ta bunita si tur esakinan worde realiza.

Vale Croes y su show lo sali na Maart pa Hulanda, y lo keda pa diez dia, segun DIARIO a com-pronde.




Riba e potret aki por mira momento cu Vale Croes ta firmando contrato den presencia di Ricky Beaujon, kende ta manager di Entertainment Express.

Otro disonan cu Entertainment Express a produci ta Las Atrevidas, The New Dimension, Vale Croes, Los Pimentosos, La Nueva Fuerza. Lamentablemente mester bisca cu tur disco local a hiba perdida grandi, ya cu benta tabata hopi malo na Aruba y e problema di graba cassette a manifesta su mes mas cu nunca.

Entertainment Express ta contento cu ASOMA porfin a ricibi su statuto y ta di spera awor cu lo sigui cu registro di tur miembro y eleccion di directiva cu lo traha pa tur esnan cu ta den

ramo di musica na Aruba, sin excepcion.

Algo lamentable ta cu aña pasa e porcentahe di "no-show" a aumenta, aunke mester agrega cu ta e mesun gruponan cada biaha a yuda nan, pero envano. Un fenomeno cu ya pa hopi aña ta existi na Aruba ta e hecho cu hopi empresario stranhero ta traha na Aruba y ningun instancia ta haci algo contra esaki. Especialmente den hotelnan por mira cu esaki ta sosodiendo y ta bira tempo pa haci algo.



Cu adquisicion di equiponan mas moderno nos ta siqui hasi nos maximo esfuerzo pa duna e mihor servicio na nos Comunidad Arubano

arugas

ARUBA GAS SUPPLY Co. Ltd.

